





第四六七册

四庫全書

●上海古籍出版社

本冊目次

歲時廣記

御定月令輯要
卷首：圖說

宋陳元靚撰……………一

清李光地等奉敕撰……………三九

欽定四庫全書

史部
歲時廣記卷一
四

詳校官監察御史臣查盤
檢討臣德生覆勘

總校官檢討臣何思鈞
校對官待詔臣胡士震
騰錄監生臣李嗣鳳

欽定四庫全書

史部十

歲時廣記

時令類

提要

臣等謹案歲時廣記四卷宋陳元觀撰元觀不知其里貫自署曰廣寒仙裔而劉統作後序稱為隱君子其始末亦未詳言莫之考也

書前又有知無為軍樂縣事朱鑑序一篇鑑乃朱子之孫即嘗輯詩傳遺說者後仕至湖

欽定四庫全書

歲時廣記

廣總領元觀與之相識則理宗時人矣其書宋志不著錄惟見於錢曾讀書敏求記稱前列圖說分四時為四卷今此本乃曹溶學海類編所載卷首並無圖說蓋傳抄者佚之書中按月令孝經緯三統歷諸書為綱而以雜書所記涉於節序者按月分隸凡春令四十六條夏令五十條秋令三十二條冬令三十八條大抵為政剗應用而設故於釋官說部

多所徵引而爾雅淮南諸書所載足資考據者反多遺缺未可以稱善本特其於所引典故尚時備錄全文詳記所出未失前人遺意與後來類書隨意刪竄者不同故並錄存之以備參攷焉乾隆四十六年十二月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

歲時廣記

歲時廣記序

有天之時有人之時寒暑之推遷此時之運於天者也
歷書所載蓋莫詳焉至於因某日而載某事此時之係
於人者端千緒萬非託之記述則莫能探其源委耳噫
慶道長於一陽之生謹履端於一歲之始是蓋天時人
事之相參尤有可據彼仲夏之重五季秋之重九豈天
之氣候然也而人實為之使微考訂孰知競渡之絲楚
靈均登高之因費長房乎引類而伸若此者衆雖然荆
楚歲時之所記善矣惜乎失之拘也秦唐歲時之所記
夥矣惜乎未之備也今南顧陳君蒐獵經傳以至野史
異書凡有涉於節序者萃為巨帙殆靡一遺仰以稽諸
天時俯以驗之人事題其篇端曰歲時廣記求予文而
序之予惟陳君嘗編博聞三錄盛行於世況此書該而
不冗雅而不俚自當與並傳於無窮云宣放郎特差知
無為軍巢縣事魚義武民兵軍正總轄此戌兵馬借緋
新安朱鑑撰

欽定四庫全書

歲時廣記

欽定四庫全書

歲時廣記卷一

宋 陳元靚 撰

春

孔子家語曰春者四時之首也尚書大傳曰春出也萬物之所出也禮記鄉飲酒曰東方曰春春之為言蠢也淮南子曰春為規規者所以圓萬物也

規度不失生氣乃理前漢律歷志曰少陽者東方

欽定四庫全書

歲時廣記

東動也陽氣動物於時為春春蠢也物蠢生乃動

運木曲直仁者生生者國故為規也月令曰春三

月其日甲乙其帝太皞其神勾芒其蟲鱗其音角

其數八其味酸其臭羶其祀戶祭先肝

孟春月

禮記月令曰孟春之月日在營室昏參中旦尾中律中太簇東風解凍蟄蟲始振魚上水獺祭魚鴻鴈來天氣下降地氣上騰天地和同草木萌動

孝經緯周天玉衡六間曰大寒後十五日斗指艮為立春後十五日斗指寅為雨水

劉歆三統歷曰立春為正月節雨水為正月中氣雨水者言雪散為雨水也

周書時訓曰立春之日東風解凍後五日蟄蟲始振後五日魚上水雨水之日獺祭魚後五日鴻雁來後五日草木萌動

白虎通德論曰正月律謂之太族何太亦大也族者族也言萬物始大族地而出也

欽定四庫全書

歲時廣記

也言萬物始大族地而出也

晉樂志曰正月之辰謂之寅寅者津也謂生物之津途也

大戴禮夏小正曰正月啓蟄雉震鳴時有俊風滌凍達

田鼠出農及雪澤采芸柎梯梅杏杝桃則華

春秋隱公元年王正月注云隱公之始年周王之正月

也凡人君即位欲其體元居正故不言一年一月

玉燭寶典曰正月為端月

梁元帝纂要曰正月曰孟陽孟陬上春開春發春獻春

首春首歲獻歲發歲初歲肇歲芳歲華歲

月令曰孟春行夏令則雨水不時草木蚤落國時有恐
行秋令則其民大疫歲風暴雨總至藜莠蓬蒿並興行
冬令則水潦為敗雪霜大摯首種不入

仲春月

月令曰仲春之月日在奎昏弧中旦建星中律中央鍾
始雨水桃始華倉庚鳴鷹化為鳩玄鳥至日夜分雷乃

欽定四庫全書

歲時廣記

三

發聲始雷蟄蟲咸動啓戶始出

孝經緯曰雨水後十五日斗指甲為驚蟄後十五日斗

指卯為春分

三統歷曰驚蟄為二月節春分為二月中氣驚蟄者蟄

蟲驚而奔出也

周書時訓曰驚蟄之日桃始華後五日倉庚鳴後五日

鷹化為鳩春分之日玄鳥至後五日雷乃發聲後五日

始電

白虎通德論曰二月律謂之夾鍾何夾者孚也言萬物
孚甲種類分也

晉樂志曰二月之辰名為卯卯者茂也言陽氣生而華
茂也

夏小正曰二月祭鮪榮望采繁來降燕乃睢

淮南子曰二月之夕女夷鼓歌以司天和以長百穀禽

獸草木注云女夷春夏長養之神也江淹文云太皞馭

節女夷司景

欽定四庫全書

歲時廣記

四

纂要曰二月曰仲陽又曰今月張衡歸田賦云仲春令

月時和氣清

月令曰仲春行夏令則國乃大旱暖氣早來蟲螟為害

行秋令則其國大水寒氣總至寇戎來征行冬令則陽

氣不勝麥乃不熟民多相掠

季春月

月令曰季春之月日在胃昏七星中旦牽牛中律中姑

洗桐始華田鼠化為鴽音如虹始見萍始生鳴鳩拂其羽

戴勝降于桑

孝經緯曰春分後十五日斗指乙為清明後十五日斗指辰為穀雨

三統歷曰清明為三月節穀雨為三月中氣清明者謂物生清淨明潔穀雨者言雨以生百穀

周書時訓曰清明之日桐始華後五日田鼠化為鴽後五日虹始見穀雨之日萍始生後五日鳴鳩拂羽後五日戴勝降於桑

欽定四庫全書

歲時廣記

白虎通德論曰三月律謂之姑洗何姑者故也洗者鮮也言萬物皆去故就新莫不鮮明也

晉樂志曰三月之辰名為辰辰者震也謂時物盡震動而長也

夏小正曰三月參則伏穀則鳴頌冰拂桐葩

詩曰蠶月條桑蠶月三月也吳民載詩云條風著野方

蠶月開移陰又麥秋唐百家詩云蠶月桑葉青鸞時

柳花白

纂要曰三月曰暮春末春晚春

月令曰季春行冬令則寒氣時發草木皆肅國有大恐行夏令則民多疾疫時雨不降山林不收行秋令則天多沈陰淫雨蚤降兵革並起

花信風

東臯雜錄江南自初春至初夏五日一番風候謂之花信風梅花風最先揀花風最後凡二十四番以為寒純也後唐人詩云揀花開後風光好梅子黃時雨意濃徐師川詩云一百五日寒食雨二十四番花信風又古詩云早禾秧雨初晴後苦揀花風吹日長

欽定四庫全書

歲時廣記

條達風

易通卦驗立春條風至宋均注云條者條達萬物之風也唐太宗詩云條風開獻節仄律動初陽

榆莢雨

汜勝書三月榆莢雨高地強土可以種禾

杏花雨

提要錄杏花開時正值清明前後必有雨也謂之杏花
雨古詩云沾衣欲濕杏花雨吹面不寒楊柳風又云楊
柳杏花風雨外不知佳句落誰家晏元獻公詞云紅杏
開時一霎清明雨趙德麟詞云紅杏枝頭花幾許啼痕
止恨清明雨

凌解水

水衡記黃河水正月名凌解水

桃花水

欽定四庫全書

水衡記

七

水衡記黃河水二月三月名桃花水又顏師古漢書音
義云月令仲春之月始雨水桃始華蓋桃方華時既有
雨水川谷漲泮衆流盛長故謂之桃花水老杜詩云春
岸桃花水又曰三月桃花浪注曰峽以三月桃花發時
春水生謂之桃花水王摩詰詩云春來到處桃花水歐
陽公詩云桃花水下清明路

擊春曲

酉陽雜俎唐明皇好羯鼓云八音之領袖諸樂不可為

比嘗遇二月初詰旦巾櫛方畢時宿雨初晴景色明麗
小殿亭前柳杏將吐睹而嘆曰對此景物豈可不與他
判斷乎左右相目將命備酒獨高力士遣取羯鼓旋命
之臨軒縱擊一曲名春光好神思自得及顧杏柳皆已
發圻指而笑之謂嬪嬙內宦曰此一事不喚我作天公
可乎皆呼萬歲東坡詩云宮中羯鼓催花柳陳簡齋詩
云可是天公須羯鼓已回寒馭作春酣又六言云未央
宮中紅杏羯鼓三聲打開

欽定四庫全書

水衡記

踏春歌

異聞錄邢鳳之子夢數美人歌踏陽春之曲曰踏陽春
人間二月雨和塵陽春踏盡秋風起腸斷人間白髮人
又酉陽雜俎云元和初有士人醉臥廳中及醒見古屏
上婦人悉於牀前踏歌歌曰長安少女踏春陽無處春
陽不斷腸舞袖弓腰渾忘却蛾眉空帶九秋霜又歌曰
流水涓涓片長芽野鳥雙飛客還家荒村無人作寒食
殯宮空對棠梨花其中問曰如何是弓腰歌者曰首髻

及地腰勢如規也士人驚叱之忽皆上屏東坡詩云城下湖光煖欲波美人唱我踏春歌又詹克愛春睡詩云覺後不知身是幻耳根猶聽踏春聲

夢春草

南史謝惠連年十歲能屬文族兄靈運加賞之每有篇章對惠連輒得佳句嘗於永嘉西堂思詩竟日不就忽夢見惠連而得池塘生春草之句大以為工嘗云此語有神助非吾語也杜甫詩云詩應有神助東坡詞云酒飲定四庫全書
宋一
歲時廣記
九
閑清夢覺春草滿池塘又詩云春草池塘夢惠連陳后山春夜詩云夢中無好語池塘草為春生

移春檻

開元遺事楊國忠子弟春時移名花植木檻中下設輪脚挽以練絙所至自隨號移春檻

探春宴

天寶遺事都人士女每至正月半後各乘車跨馬供帳於園圃或郊野中為探春之宴

採春遊

皇朝東京夢華錄上元收燈畢都人爭先出城採春大抵都城左近皆是園圃百里之內無非閒地並縱遊人賞翫

作樂車

天寶遺事楊氏子弟侍后族之貴極於奢侈每春遊以大車結綵為樓載女樂數十人自私第聲樂前引出遊園苑中長安豪民貴族爭傲之

載油幕

天寶遺事長安貴家子弟每至春時遊宴供帳于園圃中隨行載以油幕或遇陰雨以幕覆之盡歡而歸

掛裙幄

唐輦下歲時記長安士女遊春野步遇名花則設席藉草以紅裙掛掛以為宴幄其奢侈如此

擲金錢

開元別記明皇與妃子在花萼樓下以金錢遠近為限

審其無擲於地者以金餽賞之天寶遺事云內庭妃嬪每至春時各於禁中結伴擲金錢為戲

駐馬飲

天寶遺事長安使少母春時結朋聯黨各置矮馬飾以錦韉金絡並轡於花樹下往來使僕從執盃酒而隨之遇好花則駐馬而飲

隨蝶幸

開元遺事開元末明皇每春時旦暮宴于宮中使嬪妃輩爭挿艷花帝親捉粉蝶放之隨蝶所止幸之後楊妃專寵遂不復用此戲

闔奇花

天寶遺事長安中士女春時闔花戴挿以奇花多者為勝皆用千金市名花植于庭中以備春時之闔

挿御花

天寶遺事長安春時盛於遊賞園林日無閒地蘇頲應制詩云飛埃結紅霧遊蓋翻青雲帝覽詩嘉焉遂以御

花挿頰之巾上時人榮之

取紅花

虞世南史略北齊盧士深妻崔林義之女有才學春日以桃花噴面呪曰取紅花取白雪與兒洗面作光悅取白雪取紅花與兒洗面作光華取雪白取花紅與兒洗面作顏容

裝獅花

曲江春宴錄曲江貴家遊賞則剪百花裝成獅子互相送遺獅子有小連環欲送則以蜀錦流蘇牽之唱曰春光且莫去畱與醉人看

探花使

秦中歲時記進士杏花園初會謂之探花宴以少俊二人為探花使遍遊名園若他人先折得名花則二使皆有罰

獲花鈴

天寶遺事天寶初寧王少時好聲色風流蘊藉諸王帝

欽定四庫全書

歲時廣記

上

欽定四庫全書

歲時廣記

上

如也每春時於後園中紐紅絲為繩綴金鈴繫花梢之上
有鳥鵲翔集則令園吏掣鈴索以驚之號幾花鈴

拈花香

唐玉塵錄穆宗每宮中花香則以重頂帳蒙蔽欄檻置
惜春御史掌之號曰拈香

臥花酒

曲江春宴錄虞松方春時謂握月檐風且留後日春花
臥酒不可過時

欽定四庫全書

歲時廣記

作紅錢

曲江春宴錄春遊之家以脂粉作紅錢竿上成雙桃桂
夾雜畫帶前引車馬

紫煎餅

拾遺記江東俗號正月二十日為天穿日以紅纒紫煎
餅餌置屋上謂之補天穿李白詩云一枚煎餅補天穿

釀梨春

白氏六帖杭州俗釀酒趁梨花時熟號梨花春

賜柳園

唐史李適為學士凡天子饗食遊豫惟宰相及學士得
從春幸梨園並渭水襍除則賜細柳園辟癘

羹錦帶

荆湖近事荆渚間有花名錦帶其花條生如郁李仁春
未開花紅白如錦初生葉柔脆可食老杜詩云滑憶雕
胡飯香聞錦帶羹

憐草色

欽定四庫全書

歲時廣記

長慶集杭州春望詩誰開湖寺西南路草綠裙腰一道
斜自注云孤山寺在湖洲中草綠時望如裙腰又東坡
詩云春入西湖到處花裙腰芳草北山斜王介甫詩云
遙憐草色裙腰綠湖寺西南一徑開

望杏花

四民月令清明節令盤晏理盤室是月也杏花盛又云
杏花生種百穀宋子京詩云催耕併及杏花時蜀主孟
昶勸農詔云望杏敦耕瞻蒲勸穡王元長策秀才文云

杏花菖葉耕獲不想

看菖葉

呂氏春秋冬至後五旬七日菖葉生蓋菖者百草之先生也於是始耕又云菖始生於是耕備光義詩云蒲葉日以長杏花日以滋農人要看此貴不違天時

種辰瓜

齊民要術二月辰日最宜種瓜山谷詩云夏栽醉竹餘千个春藝辰瓜滿百區

欽定四庫全書

歲時廣記

栽雜木

汜勝書栽樹正月為上時二月為中時三月為下時然桑雞口槐兔目桑蝦蟆眼榆負痛散其餘雜木鼠耳蚩粗各有時凡種栽并挿皆用此等形象

遊蜀江

杜氏壺中贊錄蜀中風俗舊以二月二日為踏青節都人士女絡繹遊賞緹幕歌酒散在四郊歷政郡守慮有強暴之虞乃分遣戍兵於岡阜坡塚之上立馬張旗望

之後乖崖公帥蜀迺曰慮有他虞不若聚之為樂乃於是日自萬里橋以錦繡器四結綵舫十數隻與郡僚屬官分乘之妓樂數船歌吹前導命曰遊江於是郡人士女駢於八九里間縱觀如堵抵寶歷寺橋出譙於寺內寺前版一蠶市縱民交易嬉遊歡樂倍於往歲薄暮方

回

售農用

四川記同州以二月二日與八日為市四遠村民畢集應

欽定四庫全書

歲時廣記

蠶農所用以至車檐椽木果樹器用雜物皆至其直千緡至萬緡者郡守就于城東北隅龍興寺前立山棚設帷幕聲樂以宴勞將吏累日而後罷

驚蠶器

樂城文蠶市詩序云眉人以二月望日驚蠶器謂之蠶市馬東坡先生詩云蜀人衣食常苦艱蜀人行樂不知還十夫耕農萬夫食一年辛苦一春閒閒時尚以蠶為市共牽辛苦遂欣歡又張仲殊詞云成都好蠶市趁遨遊

夜放笙歌喧紫陌春邊燈火上紅樓車馬溢瀛州人散後蘭館喜綢繆柳葉已饒烟黛細桑條何似玉纖柔立馬看風流

驗歲草

黃帝問師曠曰吾欲苦樂善心可知否對曰歲欲甘甘草先生薺是也歲欲苦苦草先生葶是也歲欲雨雨草先生藕是也歲欲旱旱草先生蔞是也歲欲流流草先生蓬是也歲欲惡惡草先生水藻是也歲欲病病草先生艾是也皆以孟春占之

欽定四庫全書

歲時廣記

占雨霧

占書正月朔雨春旱人食一升二日雨人食二升三日雨人食三升四日雨人食四升五日雨主大熟五日內霧穀傷民饑元日霧歲必饑

禳鬼鳥

荆楚歲時記正月夜多鬼鳥度家家槌床打戶捩狗耳滅燈燭以禳之玄中記云此鳥名姑獲一名天帝女一名隱飛鳥一名夜遊鬼好取人女子養之有小兒之家

即以血點其衣以為誌故世人號鬼鳥荆湖彌多斯言信矣

飲雨水

本草正月雨水夫妻各飲一杯還房獲時有子神助也

去妖邪

西京雜記賈佩蘭云在宮中時正月上辰出池邊盥濯食蓬餌以去妖邪

辟官事

欽定四庫全書

歲時廣記

歷書二月上丑日取土泥蟄屋宜蟄上辰日取道中土泥門應辟官事

照百鬼

荆楚歲時記正月未日夜蘆茺火照井廁百鬼皆走

歲時廣記卷一

欽定四庫全書

歲時廣記卷二

宋 陳元靚 撰

夏

禮記鄉飲酒曰南方曰夏夏之為言假也養之長之假之仁也太玄經曰夏者物之修長也董仲舒策曰陽常居大夏以生育長養為事淮南子曰夏為衡衡者所以平萬物也前漢律歷志曰太陽者

欽定四庫全書

歲時廣記

南方南任也陽氣任養物於時為夏夏假也物假大乃宣平火炎上禮者齊齊者平故為衡也月令曰夏三月其日丙丁其帝炎帝其神祝融其蟲羽其音徵其數七其味苦其臭焦其祀竈祭先肺

孟夏月

禮記月令曰孟夏之月日在畢昏翼中旦婺女中律中中呂螻蟈鳴蚯蚓出王瓜生苦菜秀靡草死麥秋至孝經緯曰穀雨後十五日斗指巽為立夏後十五日斗

指巳為小滿

三統歷曰立夏為四月節小滿為四月中氣小滿者言物長於此小得盈滿

周書時訓曰立夏之日螻蟈鳴後五日蚯蚓出後五日王瓜生小滿之日苦菜秀後五日靡草死後五日麥秋至

白虎通德論曰四月律謂之中呂何言陽氣極將彼故復中難之也晉志云呂者助也謂陽氣盛長陰助成功

欽定四庫全書

歲時廣記

也

晉樂志曰四月之辰謂之巳巳者起也物至此時畢盡而起也

夏小正曰四月昴則見

詩七月曰四月秀萋注云不榮而實曰秀萋草也

西京雜記曰陽德用事則和氣皆陽建巳之月是也故謂之正陽之月

又曰四月陽雖用事而陽不獨存此月純陽疑於無陰

故亦謂之陰月

纂要曰四月曰首夏維夏

文選注鄭玄曰四月為除月

月令曰孟夏行秋令則苦雨數來五穀不滋四鄙八保
行冬令則草木蚤枯後乃大水敗其城郭行春令則蝗
蟲為災暴風來格秀草不實

仲夏月

月令曰仲夏之月日在東井昏亢中旦危中律中蕤賓
欽定四庫全書
歲時廣記
卷二

小暑至螳螂生鵙始鳴反舌無聲鹿角解蟬始鳴半夏
生木堇榮

孝經緯曰小滿後十五日斗指丙為芒種後十五日斗

指午為夏至

三統歷曰芒種為五月節夏至為五月中氣芒種者言

有芒之穀可稼種也

周書時訓曰芒種之日螳螂生後五日鵙始鳴後五日

反舌無聲夏至之日鹿角解後五日蟬始鳴後五日斗

夏生

白虎通德論曰五月律謂之蕤賓何蕤者下也賓者敬
也言陽氣上極陰氣始賓敬之也

晉樂志曰五月之辰謂之午午者長也大也言物皆長
大也

夏小正曰五月參則見良蜩鳴初昏大火中注云大火
心星名也

詩七月曰五月鳴蜩又曰五月斯螽動股注云蜩蟬也
欽定四庫全書
歲時廣記
卷二

斯螽蟴蟴也

吳子夜四時歌曰鬱蒸仲暑月

東坡詩云飛龍御月作秋涼注云謂五月也

月令曰仲夏行冬令則電凍傷穀道路不通暴兵來至

行春令則五穀晚熟百勝時起其國乃饑行秋令則草

木零落果實早成民殃於疫

季夏月

月令曰季夏之月日在柳昏火中旦奎中律中林鍾溫